



KERATAN AKHBAR

| | | | | |
|-------------|---|------------------|------------|------|
| AKHBAR | : | SINAR HARIAN | | |
| TARIKH | : | 7/8/2019 | MUKA SURAT | : 30 |
| JABATAN | : | UMUM | | |
| KLASIFIKASI | : | PERHATIAN | | |

Dua kebakaran hutan dikenal pasti

KUANTAN - Dua kebakaran hutan dilaporkan berlaku membabitkan keluasan hampir 10 hektar di hutan Bukit Palas Cherating dan Ladang Felcra Pulau Rumpun Pekan di sini.

Pengarah Jabatan Bomba dan Penyelamat Malaysia (JBPM) Pahang, Nor Hisham Mohamad berkata, kebakaran di Felcra Pulau Rumpun Pekan dikenal pasti berlaku semalam melibatkan belukar dengan anggaran seluas empat hektar di sempadan ladang.

"Tiada akses untuk jentera bomba memasuki kawasan tersebut. Oleh itu anggota memadamkan kebakaran dengan mengangkut air dari sumber terbuka.

"Operasi turut dibantu oleh 10 pekerja ladang tersebut yang bersama-sama dengan anggota bomba memadamkan kebakaran," katanya.

Sementara itu, Nor Hisham berkata, kebakaran di Bukit Palas dianggarkan melibatkan kawasan sepanjang 4.35 kilometer.

"Tinjauan udara menggunakan dron dilakukan bagi membuat pengesanan



JBPM melakukan tinjauan udara di hutan Bukit Palas, Cherating semalam.



NOR HISHAM

akses laluan masuk ke lokasi dan pemantauan kebakaran.

"JBPM menggunakan sumber air terbuka untuk

kegunaan operasi pemadaman yang menggunakan dua pam bagi mengawal api daripada merebak," katanya kepada pemberita di sini semalam.

Nor Hisham berkata, kebakaran masuk hari kedua dan pihaknya masih dalam operasi pemadaman dan pemantauan.

Menurutnya, ketika ini Balok Baru mencatatkan indeks bacaan udara 120 sehingga jam 12 tengah hari semalam dan kebakaran dipercayai berpunca daripada aktiviti pembakaran terbuka.